

Kthim pergjigje Nr. 179 Tue 6/9/2020 4:08 PM

To:Shijak Tv <televizionshijak@gmail.com>; Basir Collaku [MAILTO: basircollaku@yahoo.com];

Pershendetje Z. Collaku!

Në përgjigje të kërkesës tuaj dërguar elektronikisht ne Drejtorinë Rajonale Tatimore Tirane, në kuadër të Ligjit 119/2014 datë 18.09.2014 “Për të drejtën e informimit”, regjistruar me nr. 179, në regjistrin e Kërkesave dhe Përgjigjeve, e cila ishte në përputhje me nenin 11 të ligjit të sipërcituar, ju sqarojmë si më poshtë vijon:

Nga shqyrtimi i kërkesës, konstatojme se ju i jeni referuar bilanceve që Tatimpaguesi ka dorezuar ne Qendren Kombetare të Biznesit dhe persa i përket zerave ne pasqyren financiare të vitit 2018, ju informojme se ato behen mbi bazen e vetdeklarimit, bazuar kjo ne Ligjin Nr.9920 datë 19.05.2008 “Për Procedurat Tatimore në R.SH-së”, i ndryshuar Neni 12 "Parimet e administrimit tatimore", germa b) vetëvlerësimi dhe vetëdeklarimi i detyrimit tatimor nga ana e tatimpaguesit;

Gjithashtu bazuar ne KREU VIII “VLERËSIMI TATIMOR” Neni 68) pika 5), germa b) Administrata Tatimore vlerëson detyrimin tatimor të tatimpaguesit, në përputhje me dispozitat e legjislacionit përkatës dhe për të saktësuar vetdeklarimin e tatimpaguesit vlerësimi tatimor do të bazohet në rezultatet e një kontrolli, në përputhje me kreun X të këtij ligji; kjo analizë kryhet vetëm pasi të jetë ushtruar kontroll në vend tek tatimpaguesi lidhur me veprimtarinë ekonomike-financiare të tij .

Sjellim ne vemendjen tuaj, Ligjin nr. 9920/2008 “Për Procedurat Tatimore në Republikën e Shqipërisë” i ndryshuar, neni 24 “*Dhënia e informacionit tatimor nga administrata tatimore*” përcaktohet se, informacioni tatimor për tatimpaguesin, i administruar nga administrata tatimore, u ofrohet pa pagesë autoriteteve të përcaktuara në këtë nen, pas depozitimit të kërkesës me shkrim dhe kur verifikohen rrethanat e mëposhtme:

- a) gjyqtarit, nëse është në gjykim ose në hetim të një çështjeje civile, të lidhur me një tatimpagues, për pjesën që u takon marrëdhënieve të tij me administratën tatimore;
- b) gjyqtarit apo prokurorit, nëse është në gjykim ose në hetim të një çështjeje penale, të lidhur me një tatimpagues, për pjesën që u takon marrëdhënieve të tij me administratën tatimore;
- c) Kontrollit të Lartë të Shtetit, vetëm për rastet, kur kërkesa e bërë është në funksion të kontrollit të kryer nga ky institucion ndaj administratës tatimore, në funksion të hartimit të rekomandimeve të veta;

ç) autoritetit të ngjashëm të huaj, me të cilin Kuvendi ka ratifikuar marrëveshje ndërkombëtare dhe informacioni kërkohet në kuadër të ekzekutimit të marrëveshjes;

d) autoritetit homolog të huaj ose autoriteteve vendase, me të cilat Drejtoria e Përgjithshme e Tatimeve ka nënshkruar marrëveshje bashkëpunimi dy ose shumëpalëshe, me objekt shkëmbimin e informacionit;

dh) institucioneve të pavarura, të krijuara me ligj;

e) çdo autoriteti tjetër, sipas parashikimit të bërë me ligj të veçantë.

Si dhe neni 31 “E drejta për konfidencialitetin e të dhënave”

1. Çdo tatimpagues ka të drejtën e konfidencialitetit për të dhënat e veta tatimore e financiare, të administruara nga administrata tatimore.

2. E dhënë tatimore dhe financiare është çdo informacion, i cili merret nga administrata tatimore, gjatë ushtrimit të funksioneve, tek tatimpaguesi ose palët e treta.

Faleminderit për mirekuptimin.

Pune te mbare

Hermelinda Hysenaj
Specialiste e Sektorit të Asistencës dhe Sherbimit
Drejtoria e Sherbimit ndaj Tatimpaguesve

DREJTORIA E PËRGJITHSHME E TATIMEVE

Tel Office : 04 2276 840

Web: www.tatime.gov.al